

Deo optimo maximo uni & trino, Virgini Deiparæ, & sancto Lucae orthodoxorum Medicorum Patrono.

## QUÆSTIO MEDICA.

Quodlibetariis disputationibus manè discutienda in Scholis Medicorum, die Jovis vigesimâ nonâ Januarii. 1705.

M. ANTONIO PEPIN, Doctore Medico, Præfide.

*An Sanguis sui perfector?*

**S**ANGUIS pretiosus est liquor, caloris nativi fomes & humoris primigenii: quicumque influit, auram afflat verè vitalem & insitum ab ortu suscit ac fovet vitæ germen & ad agendum impellit. Corporis stamina ducit ampliaturque rore suo: ad debitam producta magnitudinem exprimit ad vivum excisâ velut imagine & simulum compendio studet perennitati totius quod sui dispendio alit. Nutritionis, accretionis, generationis auctor comminuit opes, ac substantiam impendit alioquin exhauriendam ni refarciatur. Illius jacturæ occurrit alimentum quod assumitur in dies, non unum in se nec simplex sed multiplex & discors incredibili varietate partium quæ triturâ evolvuntur, coctione succos cum alibiles tum rejectaneos producant: illi quantum utilitatis intro servati, hi tantum afferunt noxæ ni foras expellantur. Temere credulus est & eruditionis ementitæ fucio delusus, qui retur adomari salivâ secis ac potu alimenta, hospitante in ventriculi rugis fermento turgentia in subalbidum verti liquorem, quem bilis conditio quasi congregiendi tempore cum succo pancreatico magis elaboret in intestinis, Vestalis in corde micans ignis accendat derepente & in coccineum commuret. Tot miracula salivæ, bilis succique pancreatici triumphatû tribui solita, tot fermenta seu ingerendorum maturitati, seu egerendorum secretionis ingeniosè commenta credat Judæus apella, non ego, mirator simplicitatis naturæ tantam operum stupendorum varietatem uno sanguine perficiens.

**Q**UANTÆ molis est ad vitam refici ac expurgari sanguinem, tante cudi officinas in quibus concinnetur, incernicula quibus defecetur. Sui capit rudimenta in ventriculo, in omni vasorum genere expolitur: quàm lutulentus fluit è ventriculo in vasorum conceptacula rursim in iis incudi reddendus, tam purus exit è vasis in partium intervalla incuneandus inibi ac cogendus. Puritatem nanciscitur colorum ope in quæ recrementa protrudit & per quæ foras expellit: in oris corporis velut fluminis sanguinei ripis providentissimè locata sunt ad eluendas sordes intestina, renes, pancreas, lien, hepar, tonsillæ, vasa, lingua, palatum, nares, oculi, aures, cutis universa. Ut cerebro circumjecta sensuum organa pateant velut emissaria, stillantium tamen ex iis humorum fontem cerebrum ne putes. Malè creditum est septemfluvium instar Nili, pervium vaporibus furtim elatis, imbris in modum per ossa cribiforme & cuneiforme deorsum mittendis: uni sanguini licet ad sacram palladis arcem ascensus & ex eâ descensus. Ventriculus & uterus functionum nobilitate commendabiles exitum non negant mucus, bili, sero, sanguini malè feriato: pulmo ipse mirabilis anthlia reciproco motu aërem sanguini sufficit cum æthere vegetum, vietum cum halitibus ac sputis excludit. Conspirant amicè tot cribra focietate officiorum, sui suppleant sæpenumero vices, loca sunt conferentia in quæ fæces cujuscumque generis è sanguinis contubernio tacitâ motus lege divertunt.

**S**ANGUIS flumen est multiplici alvei divortio sectum per canales innumeros quibus à corde diditur quoquo versum, vel minime inpergitur parti, illuc unde scaturit constanter recurrens. Mira fluiditatis est, per cæcos corporis mæandros, per dedala viarum diverticula aënis & ætheris intercurrentium adminiculo meabilis, temperati caloris pari coquentis operâ utilem & inutilem humorem, pari fecerentis. Chylus compages alimentorum soluta gratâ vice liquoris multi æmuli motuque consimilis sanguini confociatur cum illo, fluxum ejus refarcit substantiam, languentem erigit ac intendit motum interiore, unde calor vitalis vegetior & uberior: quidquid chyli superest dissociabile, petit sanguinis superficiem velut obex intestini moris, circulari gradatim truditur ad vias convenientes vacationi naturali quâ fæx omnis exigitur & sua sanguini puritas aservatur. Hæ sunt motus leges omnino simplices quarum tenax necessitate naturæ sanguis ipsium perficit, concoquit quod concoquit, excernit quod excerni est habile. An interior sanguinis motus sit fermentatio necne, lis est sub iudice: hanc dirimit in febribus violentus sanguinis motus qui fermentationis audit nomine & solis distat quasi magnitudinis gradibus à naturali: ut igitur naturalis sanguinis calor vertitur in igneum, igneus redit in naturalem, sic ex quo is calor existit, naturalis sanguinis motus interior abit in violentum, violentus redit in naturalem, qui proinde non secus ac ille fermentationis appellatione dignandus est.

**F**ERMENTATIO & circuitus disparates inter se motus, in sanguine federati mirè sibi consonant, non offuscant. Hic ne dum infirmet calorem ex illo natum, indefinenter renovat perseverans, præpeditus illico restinguit: ille vicissim caloris stimulos pensat circuitus incitamentis, singulas sanguinis partes disijcit, disijciendo incidit, incidendo reddit mobiliore, dices ex utroque factum sanguinis velut maris æstum fluctus agentem in littora præcipites. Qui debetur ex æquo circulari & intestino motui calor, varias subit annorum decursu vices, fugacior est in pueris, tenacior in adultis. Scilicet sanguis ad ejus ex quo fit alimentum, se componit indolem, liquefit molliori, duratur firmiore: quin & induit illius dotes & in corpus ipsum transmittit, hircum olet siquis Thebanus alter athleta caprinâ carne vescitur. Ut sanguis sapit indur alimentum, sic confusus est ex illo potuque liquor, materiz quæ ipsi inest variæ multiplicique ferax, aquæ, terrestris, mucosæ, pinguis, falsa & calculi in cerebro, podice, lingua, palato vel alibi, nubes in oculo, sobolescentes in corde polypi, miliiformes in cute sudores & ex iis concrecentes arenulæ, uno verbo, surgentes in corpore scirrhî & qualescumque stiones. Qui criminatur partes fructum tot infelicium parentes, perinde facit ac puer qui terram verberat in quam cecidit. Gaudet forte suâ bene natus, cujus ea vis est sanguinis, is motuum natus quo desumpare se decenter valeat propriæ vindicæ puritatis indefessus.

**Q**UISQUIS igitur naturam studet operantem imitari, non altius sapiat quàm quod sensus & ratio commonstrent. His si ducibus in quirat unde vitæ & vitæ tutela, noverit eorum face parentum semen propter hominem formandum, sanguinem propter alendum, utrumque vivens vitâ quam imipit. Ex felici feminum conjugio discet cur hominem homo generet, marem, foemina, vel androgynum: parentes refrant ore, moribus, ingenio nati, virtutum ac vitiorum animæ corporisque fiant hæredes ex æquo. Hominis natura labilis & caduca ruet citò, ni generatione propagata firmaretur alimento: inditi propterea ut veneris, sic famis & sitis sensus à cerebri discreti. Quasi his instigatoribus cum potulentis esculenta rupto dentibus chylus, diditi facilius, caloris & spirituum ubertate generosior, sui cum sanguine miscellâ sanguis mox futurus. Qui cepit ventriculo motus interior chyli, scanali per iteratos partium impulsus ad cor motione incitatur, torrente sanguine eum gubernatur, coctiones & vacationes naturales absoluntur: cujus efficientiâ similiter vacuantur in advero valetudinis statu qualia vacuari oportet: quippe ubi inofficio colorum otio premitur excrementorum mole, irritabilis insurgit adversum ea, luctatur, tumultuatur, donec vim viribus exiens inimica tela retuderit, fregit, expressit, victrix tandem domesticum hostem profligat, morborum proinde dicta jure medicatrix.

*Ergo Sanguis sui perfector.*

### DOMINI DOCTORES DISPUTATURI.

M. Michaël Ludovicus Reneaume de la Garanne, è Regiâ scientiarum Academiâ.

M. Ludovicus Demondiers Dugné.

M. Raymundus Jacob Finot, Scholarum Professor.

M. Claudius Berger, è Regiâ scientiarum Academiâ.

M. Philippus Bernardus de Bordegaray.

M. Jacobus Simon Gilles de la Rivière.

M. Claudius Quigubienf.

M. Berrinus Simon Dicusivoye.

M. Joannes Bondin, Serenissimi Delphini Principis Medicus primarius.

Proponebat Parisiis JOANNES-BAPTISTA ENGUEHARD, Constantiensis, Baccalaureus Medicus. A. R. S. H. 1705.